

25
M O R B U M
CONVULSIVUM

à

VISO SPECTRO,

Gratiosissimæ Facultatis Medicæ

Consensu,

P R Æ S I D E

FRIDERICO HOFFMANNNO,

Med. Doct.

Publicæ disquisitioni exponit

JOHANN GEORGE Glog/
Zittâ Lusat.


In Auditorio Medicorum.

Die 15. Aprilis A.O. R. M. DC. LXXXII.

JENÆ, Typis NISIANIS.

A & Ω.

PROOEMIUM.


 Orpus nostrum machina sensu externo de-
 prehenditur longè artificiosissima mecha-
 nicè constructis organis gaudens: In hoc
 tamen differt ab aliis avtematis, quod hæc
 vel gravitate ponderum vel elatere pinnu-
 arum per vectes rotulasque moveantur, nostra autem
 machina à longè occultiori ali causa. Hic seu ca-
 dum innatum non Δ quidam est, non aliqua depascens
 umidum facultas, sed astralis presapie, qui proportionem
 stellarum elemento respondet, ut acutissimè Philosopha-
 ur Aristot. l. 2. de Generat. Anim. c. 3. Cui divinus Caus
 sensum præbet, dum l. de Carnibus s. 3. p. 249. inquit:
 Quod calidum sive *ἰσχυρὸν* vocant, id mihi immortale
 se videtur, cunctaque intelligere, videre, audire, sen-
 ireque omnia tùm præsentia, tùm futura. Uti enim
 istra in macrocosmo omnia ordinatè agunt, disponunt,
 vires ac calorem corporibus naturalibus elargiuntur: sic
 noster sensitivus virtute plasticâ præditus omnia ordi-
 ate agit in corpore, temporis, numeri ac ponderis est cal-
 entissimus, caloremq; vitalem ac motum partibus orga-
 nicis foenerat. Et ob hanc quoque causam merè electivus
 existit noster spiritus, amicis gaudet, & hostilia averfatur
 laque summo impetu à communionem vitæ excludere ni-
 tur. Impetuosus hic ac concitatissimus spirituum mo-

tus evidens admodum ac perspicuus evadit non solum in insultibus febrilibus, verum etiam in motibus partium convulsivis ac spasmodicis, quorum causæ arduæ cognitionis ac impendiò intricatæ ac abstrusæ; illis, qui spirituum indolem minùs cognitam habuerunt, ut veteribus existiterunt, & hinc quoque morbum sacrum Epilepsiam salutârunt, quod divinitùs credebatur immitti. Raras ac miras motuum talismodi convulsivorum species qui expetit ac penè hyperphysicas, adeat *Heer. l. 2. Obs. 1. it Salmutb. C. 3. Obs. 30. Horst. Ep. f. 6. p. 356. Tineum in Epist. p. 20.* Ego jam in præsentiarum raram motus convulsivi speciem, à viso spectro in adolescente anno abhinc observatam tradere, illiusque causas, naturam ac curationem methodo analyticâ medico-chymicis fundamentis superstructâ explicare ac delineare constitui, adductus præprimis ad hanc materiam, quod casum istum rarum duce *Excellentiss. Dn. D. WEDELIO*, qui heroicis medicamentis, ipsum ægrum curavit, ipsis oculis viderim, omnesque circumstantias, omniaque phenomena annotaverim. DEUS nostris conatibus assistat.

HISTORIA.



*A*dolescens XIX. annorum,
temperamenti melancholico-pituitosi, constitutione lunaticæ scabiosâ lue per aliquot
tem-

tempus vexatus, vespere cum in ser-
vitiis domini sui deprehensus esset,
spectrum in platea perspicit. Horro-
re ac timore plus quam panico per-
cussus mox pondus ipsius spectri
axillis incumbens summo cum an-
gore persentit, in ædes tandem mi-
serè ac planè exanimatus sic dela-
tus horrore sudore frigido, debilita-
te virium, appetitûs dejectione per
14. dierum spatium tentabatur.
Mox alio tempore spectrum eâdem
formâ notum pollicem pedis dextri
quasi extrahere moliens lecto de-
cumbenti in conspectum venit. Pol-
lex insigni rubore altero die stipa-
tus in suppurationem tandem abi-
it ; Sequebantur brevi immanes

convulsiones ac conductiones nervosi generis, ita ut instar arcus inflexi corpus in sublime attolleret, nunc instar globi incurvaret, linguam morsicaret, & quidem cum concomitante calore partium p. n. pulsu citatiori, siti, alviq̃ue contumaci adstrictione; Lingua nonnunquam deficiebat, nonnunquam etiam delirè loquebatur, imò per fenestram sese præcipitare minabatur. Paroxysmus hic rediit per certa intervalla ac periodos statis temporibus, sibi que ipsi prædicere ejus adventum potuit, dum auræ cujusdam adscensum ex inferioribus ad superiora per dorsum tendere per/ensit. P.C.

CAPUT I.

De morbis Convulsivis, illorumque causis in genere.

I.

Affectus hujus convulsivi spasmodici indolem causasque antequam penitiori indagine prosequi incipiam, pretium duxi operæ, motuum convulsivorum in genere tradere quandam synopsin ac explicationem. Ut autem feliciori viâ progrediamur, attendendæ veniunt quædam differentiæ. Nimirum in tractandis affectibus convulsivis distinguunt nonnulli in motus convulsivos generis nervosi & generis tendinosi. Illi dicuntur **CONVULSIONES**, & faciliè degenerant in Epilepsiam, adeò ut nervuli sat tenuis ramificatio læsa in pollice Epilepsiam in totum corpus transferat. Hi particulares magis sunt, & κατ' ἐξοχὴν quasi dicuntur **MOTUS CONVULSIVI SPASMODICI**.

II. Motuum nervosi generis spasmodicorum seu convulsionum tres à **GALENO** numerantur species. Prima est **ΕΜΠΡΟΣΘΟΤΟΝΟΣ**, quando cervix & spina reliqua in anteriora convellitur. Altera **ΟΠΙΣΘΟΤΟΝΟΣ** quando contracti sunt nervi, qui corpus in posteriora reflectunt, & tertia dicitur **ΤΕΤΑΝΟΣ**, & fit quando cervix & reliquū corpus ita rigit, ut pari nisu à musculis contrariis violenter tensum in æquilibrio quasi permaneat. Noster affectus ad primam pertinet speciem, nimirum; ad **ΕΜΠΡΟΣΘΟΤΟΝΟΝ**.

III. Ut autem motus convulsivi & irregularis natura ac causæ rectius innotescant, indagandum primò est, quomodo functio motiva regularis in corpore animato peragatur. Non autem motus regularis instrumentum juxta **WILLISIIUM** aliosque animales constituunt soli, quippe hi purissimâ quidem lucidâ materiâ instructi, ast ad motum partium efficiendum vix sufficientes ac proclives sunt; in communionem itaque non immeritò vocandum esse censemus & vitalem ex sanguinis fermentatione

ortum ac particulis elasticis Θ no-lucidis Δ eis magis gauden-
tem, qui partibus non solum calorem, verum etiam motum ac
sensem simul foenerat, quod præter alia confirmat experimentum
à *STENONE*, it. à *WILLISIO* communicatum : Quo nimi-
rum arteriâ partis cujusdam ligatâ non aliter ac nervo præciso, vel
obstructo omnem motum ac sensum partis perire adstruitur.

IV. Quò officio autem \sim animalis fungatur in sensu ac motu
efficiendo, penitus ut expendam, è re fore duco. Nimirum ut
lux vitalis seu Archeus, qui sensus ac motus opifex dicitur, in
partibus emergat, \sim vitalis radios lucidos in partibus à princi-
pio quodam fixativo fixandos ac reflectendos esse concludimus,
nisi fundamentis naturæ familiaribus. Principium nempe fixa-
tivum provida natura ubique constituit. Sic nullus fons esset
observante *Beccb. in Phys. subterr. p. 85.* nisi concretum quod-
dam argillaceum natura pro concentrandis vaporibus Archeo
subterraneo sursum motis ∇ eis constituisset. In regno minera-
li Gas sive effluvia Δ eo- \S alia incoercibilia non coagularentur
in metalla, nisi principium quoddam fixativum natura per argil-
las (quæ \S ta annotante eodem *Beccbero l. c.* purissimum æthe-
reum \sim elargiuntur) mineralibus posuisset, in quibus illa efflu-
via in metalleitatem fixari possint. Eodem modo in corpore
nostro glandulares glomi ubique adstites vapores lymphaticos
calore sursum dimotos colligunt ac concentrant in lympham.
Porro quoq; radii \odot res Δ e vecti in lapide Bononiensi calcinato
f. creta cum \sim \odot ætherisata ac calcinata quam optimè figuntur,
concentrantur, ut hinc variè reflexi phosphorum constituent, qui
tempore nocturno luce lunari fulget. Spectat huc locus elegan-
tissimus apud *COSMOPOLITAM*, dum inquit de capi-
endo \S philosophico : Δ generat magnetem nostrum, & magnes
noster seu Δ concretus apparere facit invisibilem Δ nostrum.
Liceat hæc applicare in nostrum scopum : \sim nimirum nervosus
est quasi magnes à \sim vitali Δ eo ortus, qui ipsam spirituum lu-
cem in partibus apparere facit, quæ lux vitalis non immeritò spiri-
tus sensitivus, seu Archeus saluari debet.

V. Spiritum autem nostrum sensitivum revera esse lucidum,
quamvis sensus eludat fallatque, à posteriori tamen probat ipsi-

us penetrantia omnem arcens putredinem facultas. Idem ad-
struunt flammæ è partibus animalium sparsæ, de quo videri pot-
est *BARTHOLIN. de Luce Animal.* Item excrementa, v. gr. ☐,
quæ lucida sæpè observata fuit, & ex quâ industrius quidam
Chymicus suum phosphorum parare solet.

VI. Porro præter singulare hoc officium & movendi quan-
dam facultatem ~ animales purissimi illimitati ad quasvis im-
pressiones ac formas recipiendas maximè capaces ac apti exi-
stunt, quam impressionem ejusque dispositionem agendi radio
occulti regiminis spiritibus vitalibus, cum quib9 perpetuum ipsis
intercedit commercium ac naturæ collegium, communicant, qui
istius occulti regiminis animalis sunt exsecutores, uti adfectus,
venena, medicamenta universalia, quæ immediatè spiritus animales
alloqvuntur, & toti corpori communicantur, id faciunt testatum.
Sunt enim spiritus hi nervosi annotante *Illustri Verulamio p. 568.*
quasi rota suprema, quæ alias rotas in corpore humano circûagit.

VII. Adeoque ex hisce patet, subjectum ut quo, uti sensus
ac motus naturalis, sic quoque p. n. ac convulsivi primarium esse
spiritus animales, secundarium spiritus vitales. Subjectum ut
quod sunt partes membranacæ ac musculosæ. Hæ enim necia-
re sanguineo ac lymphatico utriusque spiritus vehiculo sunt,
perfusæ, ibi celebratur spirituum vitalis fermentatio, mechanica
adeest conformatio fibrarum ad motum maximè proclivis. Uno
verbo, palæstræ sunt ipsius Archei, ut hinc non immeritò *Hel-
montius*; Sedem animæ sensitivæ in visceribus membranaceis
v. g. orificio sinistro ventriculi, utero, in quibus admodum Ar-
cheus viget, locaverit.

IX. Porro quomodo motus partium carnearum
ac musculorum peragatur & à quânam causâ ille dependeat, in-
dagandum venit. Explodi spiritus pulveris pyrii seu ☉ fulminan-
tis ritu in partibus statuit *Willis. de Morb. Convuls. p. 3.* Verùm si-
militudo hæc ad causarum scrutinium si extenditur, admodum
langvet. Non enim in spiritibus ☉ sum nec ☿ eum inflammabile
latitat principium, multò minus specifica talis mixtio, qualis in
pulvere pyrio locum habet, observatur in illis. Neque etiam
fibræ, quæ corpora sunt solida manifestò inflantur, nec in mayo-

rem molem exfurgunt, quod aliàs fieri debebat. Potiùs itaque motus musculorum adscribendus est influxui spirituum tum vitalium tum animalium, simulque humorum, puta sanguinis & lymphæ in partes, hi enim *πρὸς ὕχρον* (ut Hippocratico termino utar) seu impetum faciens principium possidentes in carnem seu stadium nervosorum & fibrosorum mollissimam texturam irritati à causa naturali summo impetu influunt & ad maiorem tumefactionem indeque abbreviationem fibrarum carnearum, & consequenter extremorum adductionem, motum constrictivum musculis proprium efficiunt. Et hinc concipere licet simul momentaneam quandam irradiationem ac imperium spirituum, qui in humores, utriusque autem in solidas partes summam potestatem habent, juxta *Excellentiss. Dn. D. Wedelium in Physiolog. p. 292.*

IX. Quò itaque fortior est spirituum & humorum in partes musculosas influxus ab effluviis acris continuo spiritus ad influxum stimulantibus, eo gravior fibrarum abbreviatio ac motus musculorum constrictivus ac spirituum humorumque explosivus existit: Quæ explosio spirituum & humorum in motibus convulsivis jam dudum ipsi *Avicenna* nota fuit, qui *L. 3. Tr. 5. c. 8.* convulsiones & ipsam Epilepsiam quam acutè comparat cum sternutatione, in quâ manifesta spirituum & humorum explosio in membranis narium ab effluviis acris stimulantibus orta observatur.

X. ~ autem irritant illorumque influxum cum humoribus in partes impetuosum reddunt, adeoque causam mediatam constituunt odores subtili acri maligno elemento stipati, qui non solum schefin ac texturam ipsorum spirituum immutare ac copulam homogeneam destruere, verum etiam explosivas acres particulas heterogeneas spiritibus suffundere, adeoque motum irregularem ac spasmodicum producere apti nati sunt. Uti enim odores suaves ac medicamentosi *Archeum* mirè afficere ac demulcere solent: Sic quoque præter naturales, morboşi immediate ob consymbolismum æthereum illum injuriari possunt, ut hinc non immeritò *ingeniosissimus Helvet. in Diribit. Medico*, omnes morborum causas ex variis ac peregrinis odoribus deducit.

cat. Nisi enim res per saporem aut odorem Arceus arriperint, nō intrō admittuntur juxta effatum acutissimi Helmont. in *Tract. Medicam.* p. 578. Accedit quoque ad motum partium efferatum quod spiritus noster de profapia astrali merè electivus, dum qualitates heterogeneas inimicas persentit & ad illas à communione vitæ excludendas sese armat, summo conatu ac nisu motum exerat, qui deinde morbosus ac p. n. fit.

XI. Delinquent autem talismodi odores non solum qualitate manifestâ Θ no - Δ ea acri, verum etiam sensibus occultâ ac spirituosâ suaque seminali ac radicali agendi dispositione gaudent. Sic in deleterio Θ nto, in salivâ canis rabidi, vel viperæ excandescentis non solum peccat acidum aut alcalinum principum, verum potius qualitas spirituosâ idealis à luce insitâ variè configuratâ exurgens. Uti enim lux spirituum animalium, ab affectibus peregrinis variè modificata mirum in modum corpus alterare solet: Sic quoque idæ (quæ nihil aliud sunt quàm lux variam texturam nacla) corporum venenatorum regni microcosmici catastrophas minantur.

XII. Peccare autem in affectibus convulsivis materiam quandam vaporosam odoris speciem æmulantem, variæ testatum faciunt observationes: Sic adscensus auræ ante paroxysmum Epilepticum ex inferioribus sæpè percipitur, uti *Zacut. Lusit. l. de Prax. Admirand. Obs. 22. Tulp. l. 4. Obs. 3. Höchstetter. in Obs. Part. 2. c. 7. Gelen. l. 5. de Loc. Aff. c. 6.* aliique plures annotârunt. Idem patet ex *Hippocr. l. 20. de Flat.* qui materiam flatulentam in Epilepsia incusat, it. ex *Avicenn. l. 3. Tract. s. c. 8.* qui Epilepsiæ causam cum materiâ acri sternutatoriâ comparat. Suo quoque hoc corroborat calculo *Helmont. in Tr. Imag. ferment. imprægn. mass. sem. §. 17.* dum inquit: Epilepticum odore cadere, simulque ipsis odoribus erigi posse. *Sylvius* - acidum volatilem naturalem spirituum crasin turbantem in motibus convulsivis allegat. Patrocinator quoque nostræ sententiæ *Barbat. in Tr. de sangu. & Sero. p. 80.* qui epilepsiam oriri statuit, si flatus peregrini cum spiritibus animalibus permiscen-
tur ac ad membranas deferuntur.

CAPUT. II.

De morbo hoc convulsivo spasmodico in specie, ejusque causis.

I.

Cum itaque impetuosum ac irregularem spirituum & humorum in partibus musculosis motum odores fracosos & eo-acres producere superiori capite edoctum, hinc hi odores peregrini naturæ exitum minantes undè originem suam petant, perscrutandum venit.

II. Nimirum adsunt in corpore nostro humores alimentarii duo, Sanguis & Lympha, quorum quivis suum peculiarem spiritum vehit. Hi humores si eccentrici fiunt, vappescunt, corrumpuntur ac odorem fermentalem spirituosum naturæ summè infensum contrahunt, ob intimè sibi intermixtos spiritus, qui intimiorem malignitatem hisce excrementis foenerant: Quo enim excrementum est spirituosius, eò etiam est malignius. Si itaque lympha, quæ perpetuum commercium cum spiritibus animalibus fovet, extra vasa stasin moliatur, simulque qualitatibus spirituosus tingatur, fertilis morborum mater ac minera præstò est. Excrementa enim hæc admissionis intimioris immediate alloquuntur ob mutuam *φιλανθρίαν*, quam inter sese invicem fovent, spiritus animales, ibique dispositionem suam agendi seminalem malignam evibrant. Talis magnetismus est in tota rerum naturâ; Sic ♀ ob homogeneitatem ☉, ♀ ☿ ♂ ♀ magneticè appetit: Spiritus genituræ virilis ad genituram femininam magnetico motu per porosam substantiam fertur: Venenum ♀ ale æthereum ad salivam transit, per quam penè omnia venena expurgantur: Miasma pestiferum ad tubulorum glanduliformum glomeramina singulari naturæ robore magneticè defertur: Radii ☉ res in cretâ particulis ♀ eis spiritus ☉ imprægnatâ colligunt.

guntur, ut inibi constituent lucem coagmentatam seu phosphorum : Eodem modo excrementa ex lymphâ quæ contagio spirituum animalium haud immunis, orta, spiritus animales afficiunt ob consymbolismum suum ipsos alterant, schesimq; ac texturam immutant, ut inepti fiant ad motum regularem ac naturalem edendum, uti cujusvis rei specifica forma particularum texturâ ac dispositione immutatâ virtutem suam amittit : Id, quod infinitis experimentis Chymicis evidens evadere posset nisi brevitatis nobis pro lege esset. Sic venena, purgantia texturâ particularum per additionem aliorum immutatâ drasticam suam virtutem amittunt.

III. Porro causam conjunctam quoque motuum convulsivorum constituit spirituum debilitas ac *ἀλγία* nativa vel Adscititia ; facilius enim fermentum morbosum penetrare, facilius recipi in copulam spirituum, ipsisq; intimè combinari potest. Hinc nonnulli morbi, lex quorum censu etiam ipsa Epilepsia, sæpè per plures annos dormiunt, & non nisi per affectus, qui spiritibus *ἀλγίαν* ac debilitatem conciliant, exsuscitantur.

IV. Quodcunque igitur in nostro agro spiritibus dyscrasiam conciliavit, ac tonum ipsorum dejecit, lymphamque stagnantem rappescentem spirituosius peregrinis qualitatibus imbuunt, illud ceu causa antecedens, (quam vulgò remotam vocant) velificari motui convulsivo, quo correptus fuit, multum valuit.

V. Ex rerum naturalium familiâ suffragium non proleptarium suppeditat temperamentum melancholico-pituitosum, quo æger noster præditus, quod spirituosius sanguinis defectum, & lymphæ scoriis acidis collutulatæ abundantiam indicat : Ob fordes itaque acidas *ἄσρες* in sanguine accumulatas ad stasim lymphæ, quæ minùs spirituosius, maximè proclivis existit. Nec sexus ac ætas quoque huc declinant : Hæc enim humorum crudiorum ac sordium *Θνάρων* admodum ferax fuit.

VI. Constitutio spirituum à primâ nativitate frigida & humida seu *ὑγία* multam quoque aurigatur generationi affectus nostri. Spiritus enim debiles, frigidi & humidi non solum rationis imperio minùs ritè præsidere possunt, verum etiam ad

quasvis impressiones externas recipiendas sunt aptissimi, & hinc juxta *Paracelsum* Duci spectris ut plurimum vexantur, quæ sæpissimè nihil aliud sunt, quàm entia quædam imaginativa quæ phantasia ob spiritus debiles firmiter citra voluntatem sibi imprimit, ut spectrorum apparentia præsupponat non nunquam insomnium vigilantis seu leve delirium. Et hinc omnes illi, in quibus rationis imperium ob spiritus debiles cessat, ut melancholici, senes, mulieres, febricitantes, timore correpti, tempore nocturno facillè spectris vexantur, illorumque phantasia cruciatur. Adeoque non immeritò *Paracelsus* nonnullos qui à spectris continuò cruciantur, per medicamenta, quæ in debitam activitatis sphæram spiritus ponunt, restituere conatur.

VII. Scabiosa lues quâ ager noster per aliquot tempus tentatus multum quoque generationi affectus hujus convulsivi patrocinator. Hæc enim indicat statum sanguinis ac lymphæ cacochymicum, & seri peregrinis Æbus polluti circa glandulas sub cutaneas miliares stagnationem ac vappescentiam.

VIII. Terror tandem à viso spectro ortus penè omne punctum in productione affectus nostri convulsivi absolvit. Hic enim non solum spirituum tonum dissipare, delicatamque nervorum compagem dejicere, verum etiam lympham in parte stagnantem spirituosâ qualitate radicaliter imbui apto genio gaudet: Terroris enim, uti omnis affectûs idea per totum systema nervosum non aliter ac sonorus tremulus motus per Δ propagatur ac disseminatur, & hinc quoque ipsa lympa, quæ cum spiritibus animalibus perpetuum ac amicabile commercium fovet, hæc peregrinâ ideâ imprægnatur. Testantur id affectus animi, qui in ipsum menstruum microcosmicum salivale, quod lymphæ soboles est, suam agendi potestatem evibrat: Sic motis spiritibus ab affectibus, à medicamentis & libus, lympa ac saliva eodem modò movetur & orgasmum patitur: Sic femina gravida terrore percussa peperit puellam caduco lethali obnoxiam, ut notat *Hildan. Cent. 1. Obs. 8.* Adeò idea beneficio spirituum animalium omnibus partibus communicari potest. Custodire autem terroris ideam facultatem in discursivum ac anomalum

motum spiritus cogendi, eorumque crasin immutandi, liquidò patet ex plurimis lugendis historiis Epilepticorum, qui à subito terrore affectum hunc sibi contraxerunt. Vid. *Heer. Obs. 23. p. 274. Amat. Lusit. Cent. 12. Curat. 90. Helmont. de Ort. Imag. morb. It. Salmuth. Cent. 2. Obs. 73.*

IX. Porrò multum quoque ad nostrum affectum contribuit stagnatio ac corruptio sanguinis & lymphæ in porosa pollicis pedis substantiâ causata ab immani terrore, cum spectrum pollicem hunc tempore nocturno extrahere moliebatur. Spiritus enim in hac parte à terrore summè perculsi à circumferentia ad centrum regressi fuerunt, & hinc non potuit non sequi lymphæ ac sanguinis stasis, corruptio & suppuratio. Quascunque enim partes spiritus vitæ lucidus, putredini resistens, non amplius attingit, in illis oritur putredo, ut elegantissimè philosophatur *Paracels. in part. 3. libr. 1. p. 3.*

CAPUT III.

De explicatione symptomatum ac morbi hujus Prognosi.

I.

E Numeratis hætenus causis, à quibus tanquam prolificis parentibus affectus noster spasmodicus dependet, jam medicatio devolvenda est ad symptomatum legitimam enodationem ac explicationem, quæ acerbissima fuerunt, signaque morbi Diagnostica constituerunt.

II. Horrore æger percutitur. Hic singularis affectæ sensationis species est immediatè ab Archo causata: Nimirum ille peregrinis qualitatibus perceptis valdè percellitur, à circumferentia ad centrum movetur, eademque operâ ab omni fermentatione vacat. Hincque ætheris quies, in qua frigoris vera essentia secundum *Cartesium* consistit, necessario subsequi debet. Fermentatio

mentatio enim nihil aliud est, quàm motus ætherearum particulæ in materiâ Δ ea fermentescibili excitatus à spirituum influxu.

III. Sudore frigido corripitur, qui à lymphâ omni spiritû orbata ac subsistente frigida per poros subcutaneos sub guttularum forma promanante ortum ducit.

IV. Virium debilitate laborat ob fermentationem vitalem Archei fabrum in partibus debilem ac labascentem, quæ provenit à dyscrasiâ tûm spirituum, tûm humorum.

V. Appetitus planè emortuus est: Hic enim non solum est actio ipsius ventriculi particularis, sed potius systematica à totâ dependens spirituum familiâ. Hinc omnibus penè morbis, in quibus spiritus non ritè sunt constituti appetitus prostratus complicatus est, ac sponte quoque redit in statum naturalem positus spiritibus per panaceas, quæ immediate spiritus afficiunt, & hinc sæpè nomine stomachicorum veniunt.

VI. Instar arcus inflexi corpus in sublime tollebat: Hoc phænomenon debetur ipsis spiritibus animalibus in spinali medulla ac plexibus nervosis abdominis consitissimis insigniter irritatis à particulis heterogeneis acribus densius ipsis agglomeratis. Hinc non potuit non subsequi animali regimine influxus sanguinis & spirituum vitalium citatior ac impetuosior in partes, qui ob fibras immaniter contractas ac distensas musculos abdominis climati dicatos spasmodicè ac dolorificè contraxit, partesque annexas simul sursum movere aptus extitit.

VII. Calor p. n. pulsus citatior, vigiliæ debentur citatiori spirituum ac humorum in partes confluxui, item circulationi ac evolutioni. Motus quoque musculorum fortiter contractivus sanguinis & lymphæ circulationem multum promovet: Quò fortior autem est sanguinis circulatio, eò velocior motus particularum ætherearum, & per consequens calor fortior, spirituum accredo, quæ vigilias gignit, producit.

IX. Sitis ægrum affligit ob lympham Θ siorem ac magis adustam à sanguinis acri fermentatione redditam, quæ orificii sinistri fibras nerveas stimulando molestâ sensatione afficit Archeum, quæ Archei passio dicitur sitis seu appetentia humidi.

IX. Alvi contumax adstrictio adest, quæ penè omnibus spasmodicis motibus conjuncta est, ut colicæ calculo, Epilepsia, passioni hysterica, hypochondriacæ. Fibræ enim intestinales nerveæ ob nervorum in toto corpore colligantiam ac communionem spasmodici aliquid simul experiuntur, & hinc spirarum intestinaliû motus peristalticus inordinatus ac quasi inversus fit, dum spira illa, quæ debebat dilatari, simul constringitur.

X. Delirè nonnunquam loquebatur ac per fenestram sese præcipitare volebat. Spiritus enim copula suâ activâ homogeneâ destructâ schesi que immutatâ non amplius imperare phantasiæ queunt. Hinc ob spiritus debiles phantasiâ fortiori circa aliquam rem redditâ memoria ac ratiocinatio semper læditur juxta *Galen. l. 7. de Loc. Aff.* sive insomnium fit vigilantis juxta *Helmontium*.

XI. Lingua nonnunquam deficiebat ob musculos linguæ motui inservientes convulsos. Non raro enim motibus convulsivis conjungitur linguæ amissio *Vid. Beniven. c. 9. de abdit.*

XII. Per certa intervalla paroxysmus rediit. Natura enim non semper in motu existere potest, sed inducias sibi nonnunquam concedit, nihileminus per certas periodos motus naturæ redit: Archeus enim de astrali prosapiâ participans ac plasticâ scientiâ præditus omnia ordinatè agit, mensuræque numeri ac ponderis imò temporis est callentissimus: Sic naturæ instinctus ad prandium, somnum, vigilias statò tempore nos iterum sollicitat.

XIII. Symptomatum hæcenus expositorum contemplatione manu quasi duc mur ad decernendam eventuum prognosin, & quidem primò ratione Salutis & Mortis. Hic morbus curatu admodum est difficilis: Difficultas autem in illo consistit, quod spiritus animales, qui supremum in corpus jus atque imperium possident, motusque ac sensus parentes sunt, à tono suo penitus dejecti & p. n. constituti sint, qui non nisi per medicamenta centralia intimioris admissionis legatos restitui possunt: Deinde quia spiritus animales singulis paroxysmis magis debilitantur, eorumque textura invertitur, & tonus dissipatur, ut deinde materiæ cujusque heterogeneæ incurfibus facillimè pateant,

teant, adeoque ipsa diathesis morbida repetitis paroxysmis confirmata atque radices altius agens ægrè tollatur: Accedit quoque quod status lymphæ cacochymicus, spirituum naturalis atonia ac delirium simul adsint.

XIV. Verum spes adhuc refulget optimæ curationis, beneque sperare jubet ægrum ætas juvenilis calido innato vegeto adhuc pollens item, quod spiritus animales cerebri medullis infiti nondum à peregrino fermento injuriati inque spas modicos motus concitati sint. Porro quoque morbus est recens nec inveteratus, adeoque etiam facilius dissipabilis.

XV. Ratione longitudinis morbus hic in poroxysmo sat est acutus, per longum tamen tempus durare potest, si præprimis degeneret in Epilepsiam, melancholiam, paralyfin, qui affectus maximè sunt consororiantes. Interim tamen heroicis ac magnificæ famæ remediis non destitutus brevi ut curari possit, promittimus, si præprimis illis ex præscripto utatur. Miserum enim est cum nolis mori non omnia facere ut vivas. Ratione eventus terminabitur morbus placato spirituum impetu ac ataxiâ & motu illorum anomalo destructo, item factâ odorum malignorum acrium volatilium dissipatione.

CAPUT. IV.

Curam tradit.

I.

INquirendæ affectus nostri convulsivi naturæ omnis hætenus fuit dicata sollicitudo, profligandi, ergo illius restat ut meditemur curam, quæ ut ex causarum connectione fluat, quatuor absolvetur Indicationibus. Primò enim spirituum ac humorum in partes influxus citatior, actuosior, ac spasmodicus irregularis placandus, ac demulcendus est. Secundò spiritus summâ atoniâ ac dyscrasiâ laborantes confortandi ac corroborandi sunt. Tercio odores maligni acres volatiles dissipandi ac destruendi, ac demum Quarto lymphæ suavis ac vappescentia impedienda, copiosa eliminanda.

II. Spirituum autem ac humorum enormem & ferocem influxum ac motum sistunt placantque V. S. instituta præprimis in pede, hæc enim sanguis elasticitate ac vi expansivâ præditus gregie ventilatur ac imminuitur. Ob hanc quoque causam mire collaudatur à Prædicis in omnibus motibus convulsivis. Vid. *Jenr. ab Heer. Obs. 29. p. 329* qui puellam convulsionibus diutius tentatam nullis medicamentis restituere potuit nisi solâ V.S. *Forest. l. 20. Obs. 96. Zacut. Lusit. l. 1. Prax. Adm. Obs. 29. it. Ecch. in Consultat. p. 851.* qui ad imminuentem paroxysmum epilepticum cohibendum ait, præsentissimum remedium & auxilium esse, si sanguinis paululum juxta talum utriusque cruris abscidatur. Hæc quoque in ægro nostro mirandas vires præstitit.

III. Ligatura quoque & constrictio abdominis ad impetum spirituum motum blandè compescendum partesq; membranaceas detinendas multum facit, & hinc quoque in omnibus motibus spasmodicis locum habet.


IV. Porro quoque clysteres singulari facultate pollent, irritus ad partes inferiores derivandi, ut inibi sese liberent, irritantibus peregrinis humoribus, & hinc clysteres in omnibus motibus convulsivis ac affectibus capitis sunt convenientissimi. Concinnari possunt ex variis herbis nervinis, emollientibus ac stimulantibus.

V. Tandem quoque anomalum ac discursivum spirituum humorum in partes musculosas influxum, blandè demulcent ac continent medicamenta ♁ anodynò delibuta, blandisque partilidis paregoricis & svavi ἀναδυμναστικαυ gaudentia v.g. inter vegetabilia palmam præripiunt opiata, ut Laudan. opiat. per fermentationem enchirisi *Langelottianâ* paratam. it. Ess. anodyna ex Laudan. opiat. p. iij. Balf. Apopl. p. i. cum ♁ sato acuatoprius m ♁ ① dulci parata. It. terrestre illud, quod in opio est cum spiritu ① li fixatum ac calcinatum, suppeditat laudatissimum anodynum. Spectant huc quoque ex vegetabilibus ▽ tilia ② cum buxi, famosum Heraclin. *Ruland.* it. ② hyosc. expr. acetum, quod cum ② NM, ② castor. Zibeth. bals. Peruv. addimomento ② nativ. & guttul. de ② rut. salv. rorismar rextum externè instar incantamenti spasmodicos motûs sistit.

Ex anodynis ē regno minerali petitis, quæ adhuc majoris sunt
energix eminent gna Δe fixiori & arctius intertexto imbuta, præ-
primis his cum oleo Oli fixata, quæ vera est panacea Anvvaldi-
na, ut *Dn. Jünck. in Cbym. Experiment. Curios.* monet, Celebris
quoque est pulv. ex scoriis reguli & ultimâ π -tatione-cum Oli
institutâ collectus.

VI. Porro spiritus dyscrasiâ insigni laborantes con-
fortant ac nervos solantur. (α) Medicamenta Θ volat. blando
Δeo pollentia, quæ spiritibus naturalem schesin ac crasin indu-
cunt, ipsisq; maximè amica existunt; laudem hinc merentur spi-
ritus Θ *ci vinosus cum ∇ apoplect. l. ∇ lil. convall. ~ osi mix-
tus ac externè vel internè applicatus it. spirit. nerv. volat. ex succin.
castor. croc. bals. Peruv. cum √, addita s. q. Θ is ♀ & Θ *ci Qtus
it. Ess. castor. cum ~ hoc nervino penetrantissimo volat. parata.
Elix. cephal. Rolfinck. Dn. D. Wedel. quæ medicamenta in debili-
tate spirituum summam efficaciam possident. (β) Acida Δeo vo-
latili principio pollentia, quæ effluvia acria spirituum refrenant ac
motum concitatum ipsorum sufflaminant & figunt. v. gr. ~ Qi
dulcis, omne quoq; hic absolvit punctū ~ tus Oli fumosus ex Θ
optimè per crebras solutiones ac coagulationes depurato Qtus
si præprimis aliquoties super ☉ cohobetur, it. phlegma Θ à ~ Θ
recenter Qto abstractum , quod verum ~ Θ judicat *Para-
cels. in part. 6. p. 253.* it. ~ Θ & ex ☉ florum Θ *ci Qis
præparatus. Inter omnes autem hos ~ acidos volatiles excel-
lit ~ ille Θ volatilissimus, qui paratur ex Θ ♂ li ~ Θ *ci ebrio
in ~ vitreâ Δ aperto Qtus, qui reverà vice fungitur ~ us epilept.
Hartmann. Spectant huc quoque Ræ ex 4. fl. cordial. rosis, fl.
pœon. cum menstruo acidulo volatili præparata.

VII. Denique vapores malignos ~ osos acres, qui tener-
rimas nerveas fibrillas mirum sauciant, dissipant ac destruunt
præter cauteria, quæ ab *Hippocr. l. de morbo sacro*, à *Trincavell.*
it. à *Willis. Tr. de morbis Convuls. c. 3.* miris encomiis ornantur.
(α) vesicatoria, quæ ad peripheriâ humores ac vapores attrahunt,
in q; nostro ægro magnâ opem locarunt. De horû singulari usu in
Epilepsiâ ac motibus convulsivis v. Excell. Dn. D. Fascibus in diss. de
Vesicat. (β) Sudorifera tum volatilia, tum fixa, quæ odores acres

malignos quàm optimè dissipant, ac è communione vitali excludunt. Omnibus hic palmam præripit ~ ebor. balsam: cujus vires excellentissimæ sunt : confit hic si Ess. bals. Peruv. cum ~ ⊖ * vinoso parata commaritetur cum ~ ebor. ac leni digestionem foveatur. it. ~, C.C. succinat. Ra Bezoard. Ess. corall. volatilis cum ~ ligni coryli parata insigne merentur encomium : tum fixa, ut ♂ Diaph. cerussa ♂ candore eleganti acceptissima, quæ vera materia perlata *Crigneri*, it. *Dn. D. Richter*, *Præctici Sittaviensis*, panacea famosa existit (reduci enim quàm comodè beneficio carbonum in  iterum potest.) it. ♂ ♂ nativa vel etiam factitia, remixta præprimis cum ⊖ volat. Ebor. fixato in crySTALL. ♀. it panacea ex electro majori cum p. iij ⊖ i calcinato præparata. Omnibus quoque hic palmam dubiam reddit ♂ diaph. Helm. qui ad imitationem quàm comodè ex ♂ ♂ cum ~ ♀ viridi (qui emergit ex ☉ fl. ⊖ * ♀ eorum per ~ ♀ to) fixatâ, depromi potest. it. commendabiles sunt pulveres classici Bezoard. quorum modus agendi hic est, ut nimirum acidum spirituosum excrementitium magneticè quasi attrahant, seque cum ipso intimiùs saturent. ut mutuâ cœfermentatione fiat benignum naturæ amicum, non aliter ac ♀ alia, ♀ ea, fixa, si miscelam ac copulam ineunt cum medicamentis drastis, omnem vim ipsis demunt illaq; enervant. (γ) Magnetica, quæ ob pororum ac particularum homogeneitatem maximè apta existunt odores acres magneticè quasi attrahere & recipere, sicque paroxysmum avertere præmissis imprimis præmittendis. Laudantur hunc in finem stercus pavonis, in quo egregius latet magnetismus, commendatum à *Willis*. item à *Borell. Cent. 3. Obs. 15.* ▽ de stercore vaccæ nigræ, *Crollii* arcanum est. Pulvis antepilepticus *Heer*. ex cran. human. excremento pavonino vesica apri cum lotio in furno siccata, visco colurno, ☉ succin. inodoro conflatus & descriptus in *Obs. p. 276.* magni quoq; faciendus. Porro inter transplantativa ac magnetica laudatissima sunt sanguis humanus, de cujus usu vid. *Bartbol. Cent. 2. hist. 78. it. Cornel. Cels. l. 3. cap. 13.* ~ ejus ab *Helmont. in Tr. ~ Vit. §. 16.* magni æstimatur. Essentiam sanguinis humani cum ~ paratam laudat *Paracelsus*. ~ secund. human. pleno ore deprædicat *Cnæfelius* qui Re-

gem Poloniæ Epilepticum illo restituit. ☉ cran. human. volat. it. Cran. human. præparat. ☉ volat ungu. alcis in spasmodicis spirituum insultibus singularem quoque promittunt energiam atque effectum: ☉ hæc volatilia ex regno animali oriunda *Borrich. in Act. Med. Hass. Vol. 2. Obs. 68.* mirè æstimat non ob auctoritatem clarissimorum virorum, sed ob temperamenti analogiam, quippe quæ ☉ia jam ante in corpore humano nata & fermentata poros omnes capitis diu perreptarunt, eosdem in alio, sed ægro capite tantò invenient facilius, hostilemque morbi causam exterminabunt. Inter vegetabilia eminent rad. pæon. visc. quercin. coryl. bacc. herb. Parid. ramus sambuci in salice antiquâ nascens, qui etiam externè applicatus epilepsiam ac affectus nervorum profligat. Vid. *Barthol. Cent. 4. hist. 69.*

IIIX. Tandem Lympham stagnantem vappescentem acido charagmate notatam in ordinem redigunt, corrigunt, ac evacuant (α) Salivantia, quæ specificè spiritus animales movendo lympham movent, & ob hanc causam divinas medentibus porrigunt manus in desperatis quibusdam morbis à lymphâ spirituosâ stagnante incunabula agnoscentibus, imò *DN. Ludovici in Tr. de volatilib. ☉ ♀ p. 83.* omnis generis panaceas sub pari operandi modo feliciter in morbis quamplurimis dari statuit. Omnem hic superant laudem ☿. dule. ☿ri astro in primis exaltatus, it. ☿ cum ☉ & ☽ amalgamatus, & ☿ fortiter per diem administrato in pulverem rubicundum egregiè lympham moventem, qui vera panacea *de la Vigne, Medici Regis Parisiens.* existit redactus, dosis est à gr. ij. ad gr. iij. Nec inferioris energiae quoque est āāā ☿ ☉ re benè per lotionem à scoriis nigricantibus depuratum & frequentiori ☿tis abstractione in pulverem rubicundum fixatum: ☿ quoque ex ☿ (qui ☿ maxime abundat) cum ☿mato parata minus quidem nota, est elegantissima, ☿o diaphoret. cuius palmam dubiam reddens. It. Ra ☿ ☿sata vel ☉ ☿eum ☿le ☉eum ex Ra ☿ ☿sata evaporata emergens, insigni encomio dignum. Porro decantatissima quoque est Ra ☿ it. Ess. ☉ sequenti præprimis enchiresi præparata: Nimirum ☉ amalgametur cum ☿ & ☿ in laminâ ferreâ iterum evaporet ☉ relictum subtilisatum & cum ☿. ☿ leniter postea calcinatum cui ☿ci vinoso vel

ui ☉ subtilissimo vel ~ ui ☿ affuso elegantissimam suam elargitur Essentiam, quæ potentissimè non solum obstructions expedit, amurcam venarum resolvit, & feces alvinas nigrò colore tingit, verum etiam Oeconomiam spirituum mirè simul contortat. (β) Vomitoria quæ non solum salivalem laticem miliares œsophagi glandulas vellicando evacuant sordesque impactas removement, verum etiam singulari virtute fulgent spiritus animales ac lympham stagnantem movendi inque ordinem redigendi. Laudem hunc in finem potissimum merentur Galia fixa & gta, v. g. ☉ ☉ is, vitrum gii ☉ re, quod efficacissimum simulque egregiè confortativum, it. g nativ. vel ☉ fulmin. cum croco metall. vel ☿emet. commaritatum. (γ) Alia, quæ ☉a acida absorbendo ac præcipitando in lymphæ sunt indicatissima eminent: Ex horum censu Ra ☿ Zwelf. ex tempore ex liquore Al cum arcano ☿ vel Ra corall. conjugium ineunte parata, it. Ra ☿ balsamica. Crocus ☿ saccharin cum pulv. absorbente DN. D. Wedel. mixtus. (δ) Purgantia, quæ serum correctum quantitate delinquens per tubulos intestinales evacuant. Inter hæc selectum merentur Helleborina, quæ à *Paracelsus Ballon. Libro in Prax. Tackio in Chrysog. Anim.* it. *Cnæselio* in morbis capitis mirè depredicantur. Hic in usu familiari habuit pulverem seqq. & fol. Helleb. nigr. verisacch. albiss. āā 3j ☉ essential. acetosell. gr. XXIV. Elæosacch. cort. citr. recent. gr. XII M. F. Pulvis Dosis est à ʒi ad ʒii. Pulvis quoque purgans ex resin. Gialap scam. ceruss & crystall. ☿ ac ☉ cort. citri adornatus non suâ laude caret. (ε) Præter sudorifera superius memorata diuretica quoque conveniunt quæ saburram ☿eam vltrem per renale congruum evacuatorium eliminant. v. g. locum hic commodum inveniunt oculi ☿ ~ ☉i dulci Qto, (qui longè elegantior est sapore ac odore,) imbibiti. it. arcan. ☿ copula amicâ ☉ volat: succin. associatum ~ ☉ * quoque est laudatissimus coagulatus in crystall. ☿ vel cum ~ ☉ dulc. mixtus.

IX. Data itaque cura generali hac medicamentorum selectu suppeditato difficile non est prudenti memoratarum mixtura formularum varia concinnare genera, ita ut quævis formula pluribus indicationibus simul satisfacere possit.

X. Tandem Diætam, nequid desiderari videatur, brevibus subjungimus. Aeris nimirum declinet æger enormitatem, cibos flatulentos, acres, ☉ sos, pituitosos cane pejus & angve fugiat, vinum, omniaque spirituosula parcissimè hauriat, motus & quietis æquilibrium servet, affectibus animi nunquam indulgeat, & excretiones consuetæ, si restiterint, promoveantur.

Præ-eximio ac clare docto

DN. G L Y T Z I O, f. pl. d.

PRÆSES.

Veram animi quietem, à Deo, sapientiâ, & literis esse divinitus dictum quis neget? Hæc enim vera virtutum pedissequa, effato Taciti proprium hominis bonum, hæc hominem DEO jungit, cujus tanta vis est, ut omnia st ex altera parte ponantur, ne appareant quidem. Felix itaq; ille, quem pietas, sapientia, eruditio commendat. Longe autem felicior adhuc ille æstimandus, qui non solum in literis Deum sapit, verum etiam ipsam sapientiam traducit ad medicinam & medicinam ad sapientiam. Medicus enim philosophus f. sapiens juxta Divinum Coum tr. de medico l. i. f. i. Deo æqualis habetur. Nam neque multum inter se differunt, & quæ ad sapientiam requiruntur, in medicina insunt, nim. pecuniæ contemptio, pudor, modestia, existimatio, judicium, mundicies sententiarum elocutio & divina præstantia. Delector itaq; tuo animo mi amicissimè Glyzi, & ejus in studium medicina ac sapientiæ seu virtutum impetum, ex quò novi, amavi, idq; eo magis, quod non solum in vita Tua eximia pietas, in moribus probitas in actionibus singularis alacritas eluceat, verum etiam Te elegantiori literatura ac medendi peritia cultam præsens loquatur, specimen, siq; ex prima delineatione totius picturæ æstimanda, perfectio, sane Te uberrimum tandem fructum patriæ fœneraturum esse confido. Indulgeat Clementissimus, Teque diu servet bono publico, patriæ, cui etiam natus es. Nil amplius addo præter hoc: Speram & sustine sic fortunam & invidiam vincere facillime poteris. Vale! Dabam Jenæ è Museo die 13. Aprilis Anno 1682.

S. D. G.